





tull. Lib. contra Judaeos, c. 2. & 3. S. Cyr. Lib. 1. contra Judaeos, cap. 8. S. Greg. Nyssenus Tract. de Trinitate adversus Judaeos, S. Jo. Chrysost. Homil. 27. in Genesim, S. Ambr. Epist. 72. S. Hieronym. in ep. 3. Epistolae ad Galatas, S. Cyrillus Alexandr. Lib. 10. contra Julianum, qui- latus, S. Theophyl. Thoma 3. part. quae 71. art. 4. id di- bus concinet S. Thomas 3. part. quae 71. art. 4. id di- brem esse docet inter Baptisum, & Circumcisionem, quatenus instrumentum est Passionis Christi jam perfe- ctum, vin ejus deferens, & applicans: At in Circumcisi- one conferatur ex fide significata, non ex Circumcisi- onis significatione.

Agni Pas- chalis estus. Masculis porro ante diem octavam morientibus, & femi- nis, eodem saecratur Sacramento, quod legis naturae tempore adhibebatur, & usurpatur a fidelibus veri Dei cultoribus apud Gentes ex Abrahamo non progenitas.

V. Veteris etiam Legis Sacramentum fuit eius Agni Pas- chalis, de quo Deus praecipit Erodii 12. 24. Custodi ver- bum istud legitimum tibi, & filiis tuis usque in aeternum. Cumque introisset Terram, quam Dominus daturus est vo- bis, ut possidetis eam, observabis caeremonias istas. Et cum dixerint vobis filii vestri, Quae est ista Religio? Dices: Dicitur vobis ista Religio Domini est. Ut enim Agnus Pascha- lis signum fuit Christi, Agni veri, pro peccatis nostris in Cruce immolandi: Sic Agni Paschalis estus signum erat Carnis Christi in Sacramento Eucharistiae a nobis mandu- canda, secundum promissum ejus, ac praecipit (Joannis 6.) Amen, amen dico vobis: Nisi manducaveritis carnem Filii hominis, & biberitis ejus sanguinem, non habebitis vitam in vobis.

VI. His praebatis de Sacramentorum necessitate in No- va Lege differendum est. Ecclesiae fides, & doctrina hac in re explicanda.

PROPOSITIO PRIMA.

Sacramenta in Nova Lege a Christo instituta, convenienter unino fuit.

Robatur ex S. Aug. Lib. 19. Contra Faustum, cap. 13. Prima Sacramenta, quae observantur, & celebran- tur ex Lege, praenuntiatio erant Christi venturi: Quae cum suo adventu Christus implevit, ablata sunt, & ideo ablata, quia impleta: Non enim venit servare Legem, sed adimplere; & alia sunt instituta, virtute majora, utilitate meliora, actu facilliora, numero pauciora, tan- quam iustitia fidei revelata, & in libertatem vocatis filijs Dei, iugo servitutis ablato, quod duro, & carni dedito Populo congruebat.

Probatur secundo, ratione S. Thoma 3. part. quae 60. art. 4. Sicut antiqui Patres salvati sunt per fidem Christi venturi, ita & nos salvamur per fidem Christi jam nati, & passi. Sunt autem Sacramenta, quaedam signa protesta- tia fidei, quae homo iustificatur. Cum igitur aliis signis futura, praeterita, & praesentia significari oporteat; qua- dam alia Sacramenta in Nova Lege institui convenienter erat, a Sacramentis Veteris Legis distincta. Hanc rationem ha- berat S. Thomas ex S. Aug. Epist. 157. alias 89. ad Hilarium quae 3. Vide, inquit, quemadmodum commendat unum, & unum, id est, Adam, & Christum: Nihil ad condemnationem, hunc ad iustificationem, cum tanto post Adam venerit Christus in carne: Ut sciamus, etiam anti- quos Justos, quicunque esse potuerunt, non nisi per eandem fidem liberatos, per quam liberamur & nos, fidem scilicet incarnationis Christi, qua illis praenuntiabatur, sicut nobis facta annuntiatur. ... Hac ergo fides etiam antiquorum Justorum fuit. Unde & Apostolus dicit: Ha- bentem autem eundem spiritum fidei, propter quod scrip- tum est: Credi, propter quod locutus sum: Et nos credimus propter quod & loquimur: Non dicitur, eundem spiritum fidei, nisi admonens etiam antiquos Justos habuisse ipsam spiritum fidei, hoc est, incarnationis Christi. Sed quia illis futura praenuntiabatur, quae iam facta nobis annun- tiatur, & tempore Veteris Testamenti volubatur, quae tempore Novi Testamenti revelatur: ideo ejus Sacramenta variata sunt; ut alia essent in Veteri Testamento, alia in- novata cum fides ipsa variata non sit, sed una sit.

Si autem nulla fidei variatio contingit mutatis Sacramen- tis, multo minus hinc aliqua in Deum mutatio refundenda est, quod alia Sacramenta instituerit post adventum Christi, & alia tempore Legis: quia illa fuerunt congrua gratiae praenuntiandae, haec autem sunt congrua gratiae implemen- tarum demonstrandae. Sicut enim ratio non mutatur agricul- turae, cum agricola zitate aliud jubet, quam julerat hyeme: Et cum mane furgit, qui nocte quiescebat, vitae consilium non mutatur: Et cum alia Magister adolescenti praecepta tradit, quam puero imposuerat, non ideo doctri- na mutatur: Et cum Medicus alia pro ztatum varietate remedia praescribit, non ideo medicina mutatur: Ita Deus alia in Nova Lege instituit Sacramenta ab iis, quae in Veteri Lege praescripserat, minime mutatas est. Quae de re legendae est Sancti Augustini Epistola 138. alias 5. ad Marcellinum.

Sacramenta Nova Legis necessaria sunt ad salutem, quaedam simpliciter necessitate media, & praecipua: quaedam sola necessitate praecipua: Non tamen omnia singula.

Dogma Catholicum est, Sacrosancti Concilii Tridentini auctoritate firmatum, sess. 7. can. 4. Si quis dixerit, Sacramenta Nova Legis non esse ad salutem necessaria, sed superflua, & sine eis, aut eorum voto, per se solum fidem hominis a Deo gratiam iustificationis adipisci, licet omnia singula necessaria non sint; Anathema sit.

Baptisimus quidem, & Penitentia, quae duo Sacramen- ta mortuorum a Theologis vocantur, quod ad primam gratiam conferendam, & vitam animae per peccatum mor- tuum restituendam instituta sint, non solum praecipui, sed & mediae necessitate sunt necessaria: Baptisimus omnibus, Penitentia autem iis, qui gratiam regenerationis in Baptismo perceptam peccato mortali profugarunt. Quoslibet nemo homo sine Baptismo, vel in re, vel in voto suscipere, salu- tarem aeternam consequi potest, secundum Christi oraculum, Jo. 3. 5. Amen, Amen dico tibi, nisi quis renatus fuerit ex aqua, & Sp. Sancto, non potest introire in Regnum Dei. Nemo pariter in letale peccatum post Baptisimum prolapsus, absque Penitentiae Sacramento, in re, vel in voto suscipere, ad salutem aeternam pervenire potest, se- cundum alteram Christi oraculum, Luc. 13. 5. Si peni- tentiam non egeritis, omnes similiter peribitis. Alia vero, quae vivorum Sacramenta dicuntur, quod vitam spirituales in suscipiendis exigant, & ad augendum gratiam insti- tuta, scilicet Confirmatio, Eucharistia, Extrema Unctio, Ordo, Matrimonium, necessaria sunt necessitate praecipua affirmativi (ut Theologi de Schola loquuntur) id est, in certis rerum circumstantiis, & temporum opportunitatibus obligantis. Non tamen omnia singulis hominibus necessaria sunt. Non enim singulis facris Ordinibus initiari, vel Matrimonio jungi necesse est: quibus Ecclesiae simpliciter necessaria sunt Ordinis, & Matrimonii Sacramenta: illud ad Ministrorum consecrationem: istud ad hominum qui Christiani fiant, & in quibus conferretur hic militans Ec- clesiae propagationem.

PROPOSITIO III.

Sacramenta Nova Legis propter solum fidem nutriendam non sunt instituta.

Dogma Catholicum est, sacra Synodi Trid. definitione firmatum, sess. 7. can. 5. Si quis dixerit, haec Sacramen- ta propter solum fidem nutriendam instituta esse; Anathema sit. Ad gratiam enim virtus Passionis Christi con- ferendam instituta sunt, ut inferius demonstrabitur; & par- vulis, qui acta credere per aetatem non possunt, Baptisimus ab Ecclesia semper collatus est, ob peccati originalis ex- piationem, & ad gratiae sanctificationis infusionem, quo no- mine ipsam puritatem conferri, Concilium Africanum, can. 2. ex iis, qui Milevitana Synodo vulgo tribuuntur, contra Pelagianos definitum. Quamquam vero adultis fidei mensis compositus necessaria omnino sit fides ad gratiam per Sa- cramenta recipiendam: siquidem sine fide impossibile est placere Deo. Credere enim oportet accedentem ad Deum, quia est, & iniquitatis se renuntior sit, (ut docet Apostolus ad Hebr. 11.) Non tamen fidei fides accepta re- ferri debet hominis Sacramenta suscipiendi iustificationis quasi Sacramenta nihil aliud praesent, nisi fidei alimentum, aut incrementum. Quoslibet sacra Synod. Trid. modum, quo se adulti ad iustificationis gratiam preparari debent, sess. 6. cap. 6. sic explicat: Disponunt autem ad ipsam iustitiam, dum excitati divina gratia, & adjuvi fidem ex auditu concipientes, libere moventur in Deum, credentes vera esse, quae divinitus revelata, & promissa sunt: atque illud in primis, a Deo iustificari impium per gratiam ejus, per redemptionem, quae est in Christo Jesu: & dum peccatores se esse intelligentes, a divina iustitia timore, quo utiliter concutiuntur, ad considerandum Dei Misericordiam se con- vertendo, in spem eriguntur, fidentes Deum sibi propter Christum propitium fore: illumque tanquam omnium iusti- tiae fontem diligere incipiunt: ac propterea moventur ad- versus peccata per eandem aliquam, & dejectionem, hoc est, per eam Penitentiam quam ante Baptisimum esse oportet credere, quia est, & quod iniquitatis se renun- tiator sit (Matth. 11. & Matth. 9.) Confide, fili, remittan- tur tibi peccata tua. (Ecl. 1.) Timor Domini expellit pec- catum. (Act. 2.) Penitentiam agite, & baptizetur unus- quisque vestrum in nomine Jesu Christi, in remissionem pec- catorum vestrorum, & accipietis donum Sp. Sancti. (Matth. 28. & Marci cap. ultim.) Euntes ergo docete omnes Gen- tes, baptizantes eos in nomine Patris, & Filii, & Sp. Sancti: docentes eos servare quaecumque mandavi vobis. (1. Reg. 7. 2.) Preparate corda vestra Domino.

PRO-

PROPOSITIO IV.

Sacramenta Nova Legis a Sacramentis Veteris Legis sola Rituum externorum, sive caeremoniarum diversitate non differunt.

Dogma Catholicum est, Concil. Tridentini definitione contra Calvini haereticum firmatum, sess. 7. can. 2. Si quis dixerit, ad ipsa Nova Legis Sacramenta a Sacramen- tis antiqua Legis non differre, nisi quia caeremonia sunt alia, & alia Rituum externi; Anathema sit. Eo ergo differant, (ut antea explicaverit Eugen. IV. Pontifex Max. in Decreto ad Armenos.) quod illa non causant gratiam, sed eam solum per Passionem Christi dandam figurabant: haec vero nostra, & continent gratiam, & ipsam digno suscipien- tibus conferunt. Ex doctrina Apostolicae principis hoc dif- ferentia accedat. Apostolus enim ad Hebr. 9. Munera, & hostias, quae secundum Legem offeruntur, negat, posse iuxta conscientiam perfectum facere servientem, (alimmodo in cibis, & potibus, & variis baptismatibus, & iustis carnis usque ad tempus carnis impotest. Et cap. 10. Um- bram (inquit) habent Legi futurorum honorum, non ipsam magnam rerum, per singulos annos eisdem ipsi hostias, quas offerunt indignanter, nunquam potest accedere per- fectus facere: alioquin cessasset offerri cultores semel mudato habere ultra conscientiam peccati cultores semel mudato. Impossibile est enim, sanguine taurorum, & hircorum auferri peccata. Quae ideo de sacrificiis potissimum intelligantur, idem tamen de Sacramentis iudicium serendum est. Eodem spectat illud cap. 7. Reprobatio quidem sit peccatorum Mandati, propter infirmitatem huius, & inutilitatem: nihil enim ad perfectum addunt Lex. Et Epist. ad Galat. 4. omnia, quae Moisaica Lege praecipiebantur, & observabantur, vocat iusura, & egena elementa, quod hominem a peccato expiare, & ad veram iustitiam, ac sanctitatem perducere vi institutionis, suae, acque inrita, & congenita virtute non possent. Nunc autem (inquit) Judaeos compellens) cum cognoveritis Deum, immo cogniti sitis a Deo: quomodo convertimini iterum ad iusura, & egena elementa, quibus denovo servite vultis?

Confirmatur ex S. Aug. Epist. 54. olim 118. ad Janu- rium: Primum tenere se volo, quod est huius dispensationis caput, Dominum nostrum Jesum Chris- tum, sicut ipse in Evangelio loquitur, leni iugo suo nos subdidit, & sarcina levi: unde Sacramentis numero paucissimis, observatione facillimis, significatione praestanti- sissimis, societatem voti populi collegavit, sicuti est Bap- tismus Trinitatis nomine consecratus, Communicatio Cor- poris, & Sanguinis ipsius, & si quid aliud in Scripturis Canonice commendatur, exceptis iis, quae servitium populi veteris pro congruentia colorum illorum, & prophetici temporis observant, quae & in quingue Libris Moysi leguntur.

Et Enarratio in Psalm. 84. Opportune non ex nostra, sed ex Dei dispensatione factum est, ut modo audivimus ex Evangelio, Quia Lex per Moysam data est, Gratia, & veritas per Jesum Christum facta est. Si enim discernimus duo Testamenta, Veteris, & Novum, non sunt eadem Sacramen- ta. ... Quia alia sunt Sacramenta divinae salutem, alia praenuntiata Salvatorum. Sacramenta Novi Testamen- ti dant salutem, Sacramenta Veteris Testamenti promissi- vum Salvatorum. Cum ergo jam tenetis promissa, quid queris promittentia, habent jam Salvatorem? Hic dico, tenetis promissa, non quod iam accepimus: utiam ater- nam? sed quia iam venerit Christus, qui per Prophetas praenuntiabatur. Mutata sunt Sacramenta, facta sunt fa- cilliora, pauciora, salubriora, felicitiora.

Enarratio in Psalm. 64. explicans haec verba: Calix in manu Domini vini mortis plenus: nullo, ac, Calix vini me- ri plenus nullo, videtur mihi esse Lex, quae data est Ju- daeis, & omni illa Scriptura Veteris, quod dicitur, Testa- menti, & sunt pantera omnium sententiarum. Nam isti Novum Testamentum a seculo later tanquam in face cor- poralem Sacramentorum. Circumcisio carnis magis Sacramen- tum res est, & intelligitur inde Circumcisio cordis. Tem- plum illud Ierusalem magis Sacramenti est res, & intelli- gitur ex eo Corpus Domini. Terra promissionis intelligitur Regnum caelorum. Sacrificium victimarum, & pecorum ma- gnum habet Sacramentum; sed in omnibus illis generibus Sacrificiorum intelligitur unum illud Sacrificium, & unica victimis in cruce Dominus: pro quibus omnibus Sacrificiis unum nos habemus; quia & illa figurabant haec, id est illis haec figurabantur. Accipit Populus ille Legem, accipit mandata iusta, & bona. Quid tam iustum quam, Non occides, Non moechaberis, Non furaberis, Non falsum testimonium dices, Honora Patrem, & Matrem, Non concupisces rem proximi tui, Unum Deum adorabis, & ipsi soli servies? Omnia ista ad vinum pertinent. Il- la vero carnalia quasi observant, ut remaneret apud il- los, & effunderetur vas omni spiritualis intellectus, Calix vero in manu Domini, id est, in potestate Domini: Vini me- ri, id est, Legis, suavia: Plenus est misto, id est, cum face corporalem Sacramentorum. Et quia haec humiliter, su-

perbum Judaeum; & hunc exalavit, confidentem Gentilem: Inclinauit ex hoc in hunc, id est, a Iudaeis populum in Gen- tilem populum. Quid inclinauit? Legem. Eliguitus est ideo spiritualis intellectu. Verumtamen lex ejus non est exinanita, quia Omnia Sacramenta carnalia apud Judaeos remanserunt. Bibent omnes peccatores terrae: Qui bibent? Omnes peccatores terrae. Qui peccatores terrae? Iudaei erant quidem peccatores, sed superbi: Gentiles autem erant pec- catores, sed humiles. Omnes peccatores bibent? sed vide, qui facem, qui vinum. Etenim illi bibendo facem evan- gelizant: isti bibendo vinum iustificati sunt.

Et Lib. 19. Contra Faustum, cap. 13. Prima (inquit) Sa- cramenta, quae observantur, & celebrantur ex Lege, praenuntiatio erant Christi venturi: quae cum suo adven- tu Christus implevit, ablata sunt, & ideo ablata, quia impleta. ... Et alia sunt instituta virtute meliora, utili- tate meliora, actu facilliora, numero pauciora. ... Et Ca- 14. Verumtamen si antiqui Justo, qui Sacramentis illis in- telligebant venturam praenuntiari revelationem fidei, ex qua licet adhuc operata, & abscondita, munere tamen pietatis intellecta, etiam tunc ipsi viderent: quia in hac vita nemo potest esse iustus, nisi qui ex fide vivit: si ergo antiqui Justi pro illis praenuntiatis Sacramentis, & rerum nondum impletarum figuris, omnia dura, & horrenda perpeti para- ti fuerunt, & plerique perisse sunt: si tres Patres, Da- nielque tradidit, quia de mensa Regis contumaciter noluerunt, quod erat contra illius temporis Sacramentum, sic Machabaei cum ingenti admiratione praesertim, quia fecas, quibus nunc Christiani licite utuntur, attingere no- luerunt, quia tunc pro tempore prophetico non licebat; quanto magis nunc pro Baptismo Christi, pro Eucharistia Christi, pro signo Christi ad omnia perfenda paratos ve- let esse Christianus: cum illa fuerint promissiones rerum complendarum, haec sine iudicio complemur?

Objicitur; Remissionem peccatorum veteribus sacrificiis tribui, Levit. 1. 4. 5. 16. & Num. 15. his, aut familiis verbis; Orabitque pro eo Sacerdos, & dimittet ei. ... Et propitius erit Dominus. Sanguis pro anima piaculo est. Ex quibus sequi videtur, Sacramenta Veteris Legis pecca- ta remissio, & gratiam contulisse, non minus quam Sa- cramenta Nova Legis.

Resp. Vetera Sacrificia expiisse immunditiam legalem, & corpoream, quae hominem a divino cultu velut profanu- m arebat, non immunditiam culpae; & peccati remis- sionem legalem praestitit, faciendo ut peccata non im- putarentur ad poenam Lege praescriptam his, pro quibus of- ferebantur (Idemque de Sacramentis dicendum est.) Sed veram, & internam peccatorum remissionem, iustitiam, sanctitatem, & gratiam nec Sacrificia, nec Sacramenta ve- tera per se contulisse: Unde S. August. Tract. 41. in Joan. in illis inquit, Sacrificiis non erat expiatio peccatorum, sed umbra futurorum. Et qui illis Sacrificiis oblati, vel Sacramentis susceperunt remissionem peccatorum, veramque, & internam iustitiam, ac sanctimoniam consequuntur, non habebant, sed ex fide Christi venturi, quam his signis a Deo institutis profitebantur. Sicut ergo iustitia, & fan- ctitas interna non erat ex Lege, sed ex fide Christi, & Iusti Veteris Testamenti sui Lege non erant, sed sui Gratia, & ad Novum Testamentum reverte perinebat: ita remissio peccatorum, & iustitia interior per gratiam, & caritatem, non erat effectus Sacramentorum legalium, sed fidei in Christum venturum, quem promittebant, & praenuntiabant. Vetera ergo Sacramenta Iniquitatis sancti- ficabant ad emundationem carnis, & non poterat iuxta conscientiam perfectum facere servientem: ut ait Apoll. At Sacramenta Nova Legis ex Christi latere manantia, qui per Spiritum Sanctum semetipsum docent immunditia- tum Deo, emundante conscientiam nostram ab operibus mortis, ad servitium Deo viventi (ut loquitur Apoll. ad Heb. 9. 14.) Atque ita eam gratiam, quam signifi- cant, Christi Sanguinis virtute operantur, ex infra probabimus.

CAPUT III.

De Partibus Sacramentorum.

I. Partes Sacramentorum sunt, ex quibus Sacramen- tum constat, quae duo sunt omnino, materia ni- mirum, ac forma. Materia est res, vel actus sensibilis: forma sunt verba solemniter in Sacramentorum consecratio- ne adhibita. Olim quidem hic loquendi modus Formularis Tractoribus ignotus erat, aliaque docendi formulae usurpabant. Sacramenta signa, & re scera, seu invisibilia consistere dicebant. Per signum id intelligebant, quod pos- set per materiam, & formam significatum est, quod quid scilicet sensibus percipitur: per rem sceram, seu invisibilem, effectum Sacramenti, gratiam scilicet sanctifican- tem. Dicebant praeterea, in omni Sacramento duo re- periri, Sacramentum, & rem. Per Sacramentum, si- gnum tantum intelligunt, quod sensibus externis ingeri- tur, sub cuius specie Christus Sacramentum instituit: per rem

Rom. 1. 17. Dan. 1. 8. 2. Mach. 7.

Quo sensu remissio peccatorum veteribus sacrificiis in scriptura tribuatur.

Remissio peccatorum non erat effectus veterum Sacramentorum, sed fidei in Christum venturum.

De partibus Sacramentorum.

tem gratum, qui confertur. Ideo diligenter examinantur praesentia theologica, quid sit Sacramentum, quid res Sacramenti. Denique quid dicantur, Sacramenta rebus constituta, & verba: ut aqua, oleum, &c. verba, ut invocatio Sancti Spiritus Trinitatis. Alii etiam verba, quorum idem sensus est. utuntur, adhibentes Sacramenta constare elemento, & verbo, juxta celebrem illam Sancti Augustini sententiam. Tractatu 80. in Joannem: Verbo Baptismus confertur. Deinde verbum. Quod est aqua, nisi aqua? Accedit verbum ad elementum, & sic Sacramentum fit. A Philosophia Peripatetica, quae rerum naturas, & formae nominibus examine solet, res tribus officiis imitata, in quibus materia, & forma distincte oculis conspiciuntur, Theologi Scholastici materiae, & formae nomina mutati; ea in Sacramentorum doctrina usurpare ceperunt: quomodo loquendi modum, ut commodum, & utem Ecclesia ipsa cum Graeca, tam Latina adoptavit, ut constat ex Responsione Patriarchae Constantinensis ad Vitringenses, cap. 2. ex Gabriele Philadelphiae Metropolitanis, in Libello de Sacramentis, & ex Eugenio IV. in Decreto ad Armenos, docente: Omnia Sacramenta rebus percipi, videlicet rebus tanquam materia; & verbis tanquam forma, & persona Ministerii conferentis Sacramentum, cum intentione faciendi, quod facit Ecclesia: quomodo si aliquid dicitur, non percipit Sacramentum. Sed de partibus interius duntaxat Sacramentorum impraesentia nomen agimus, postea de Ministro, ejusque intentione

II. Materiae autem, & formae Sacramentorum dicuntur metaphorice, & per analogiam quadam ad materiae, & formae physicas, cum quibus conveniunt in eo, quod res sensibilis per verba determinatur, sicut materia per formam, & verba Sacramentum complectit, & perficitur, sicut forma totum physicum perficit, & complet: non quod affectiones animae materiae, & formae physicae materis, & formae sacramentalibus admodum conveniant. Quamvis autem verba, & alia res sensibilis ad diversa genera pertineant secundum naturam: conveniunt tamen in ratione signi, quae perfectior est in verbis, quam in aliis rebus: ideoque ex verbis, & rebus fit quodammodo unum in Sacramentis, sicut ex forma, & materia, quatenus per verba percipitur significatio rerum, ut loquitur S. Thomas: aquam (inquam) moraliter, non physice.

III. Materiae nomine non res tantum, sed & adus sensibilis in doctrina Sacramentorum intelliguntur: ut ablutio, unctio, & in Penitentia Sacramento contritio, confessio, satisfactio; & in Matrimonio, contrahentium consensus, verbo, vel nutu expressus: quia in his eadem est ratio significandi ac in rebus sensibilibus.

IV. Quod vero ad complementum, & perfectionem essentialium Sacramentorum verba necessaria sunt; colligitur ex Apostolo ad Ephes. cap. 5. 26. Christus (inquit) dilexit Ecclesiam, & seipsum tradidit pro ea, ut eam sanctificaret mundans eam lavacro aquae in verbo vitae. Triplex convenientiae rationem offert S. Thomas 3. p. q. 60. art. 6. Cum enim Sacramenta ad hominum sanctificationem, ut signa quadam adhibentur, tripliciter spectari possunt, & quolibet modo congruit, ut verba rebus sensibilibus adjuvantur. Primo ex parte causae significantis, quae est Verbum incarnatum, cui Sacramentum quodammodo conformatur, in hoc quod rei sensibilis verum adhibetur, sicut in Mystico Incarnationis carni sensibili Verbum Dei est unitum.

Secundo, possunt considerari Sacramenta ex parte hominis, qui sanctificatur, qui componitur ex anima, & corpore, qui proportionatur sacramentalis medicina, quae per rem visibilem corpus tangit, & per verbum ab anima creditur. Unde S. Augustinus, Tract. 80. in Joannem, explicans illa verba Christi: Jam vos mundi estis propter sermonem, quem locutus sum vobis, ait: Unde tanta virtus aquae, ut corpus tangat, & cor abluat, nisi faciente verbo, non quia dicitur, sed quia creditur.

Tertio, possunt considerari Sacramenta ex parte significantis Sacramentalis. Unde cum verba significanti principatum inter homines obtinuerint (ut loquitur S. Augustinus, Lib. 2. De Doctrina Christiana, c. 2.) Ideo ad perfectionem significantis Sacramentalis necesse fuit, ut significatio rerum sensibilium per aliqua verba determinaretur. Aqua enim significare potest & ablutioem, & refrigerium: sed cum dicitur, Ego te baptizo, manifestatur, quod aqua vivit in baptismo ad significandam emundationem spiritualem. His praemissis, statuenda sunt Propositiones nonnullae materiae & formae Sacramentorum generatim spectantes.

PROPOSITIO PRIMA.

Materia, & forma Sacramentorum sunt a Christo determinatae.

Prima pars probatur: Aquam enim, seu materiam baptismi determinavit Christus Joann. III. dicens: Nisi quis renatus fuerit ex aqua, & Spiritu Sancto non potest introire in Regnum Dei. Materiam Eucharistiae determinavit

De materia, & forma Sacramentorum.

cum panem, & vinum in corpus, & sanguinem suum consecratis Apostolus tradidit, & ideoque in sui memoriam fieri praecipit (Matth. 16. Marc. 14. Luc. 22.) Materiae Unionis Extremae determinatae explicatur in Epistola Catholica S. Jacobi, cap. 5. 14. Materiam Confirmationis ex parte explicat S. Irenaeus in Act. Apostolorum, Act. 8. 7. ubi Sp. Sanctum per manus impositionem Apostolorum Petri, & Joannis datum testatur eis, quos Philippus Diaconus baptizaverat. Determinatam materiam Sacramenti Ordinis, scilicet impositionem manuum indicit S. Paulus 1. ad Timotheum 4. 14. v. 22. ad Tim. 1. 6. Ceterae ex Traditione non scriptae, & Ecclesiae doctrinae, usque colliguntur.

Convenientem determinationem hujus rationem offert S. Thomas 3. p. q. 60. art. 5. inde petimus, quod in usu Sacramentorum duo considerari possunt, scilicet cultus divinus, & hominis sanctificatio: quorum primum pertinet ad hominem per comparationem ad Deum; alterum pertinet ad Deum per comparationem ad hominem. Non autem pertinet ad aliquem determinari id, quod in altero potest esse, sed solum id, quod est in suo potestate. Quia ergo sanctificatio hominis est in potestate Dei sanctificantis, non potest ad hominem suo iudicio assumere res, quibus sanctificatur: sed hoc debet esse divina institutio: determinationem: & ideo in Sacramentis Nova Legis, quibus homines sanctificantur, secundum illud 1. Corint. 6. Abluti estis, Sanctificati estis, oportet uti rebus ex divina institutione determinatis.

Pars altera Propositionis probatur. Baptismus enim sub determinata verborum forma Christus confecti iussit, Matth. 28. Euntes docete omnes gentes, baptizantes eos in nomine Patris, & Filii, & Spiritus Sancti. Verba item determinata in consecratione Sacramenti Eucharistiae adhibuit, scilicet, Hic est Corpus meum; Hic est Sanguis meus Novi Testamenti, qui pro multis effunditur in remissionem peccatorum. (Matth. 26.) Aliorum Sacramentorum formas ex non scripta Traditione, & Ecclesiae doctrinae, usque habemus. Quas Patres passim scripto probare noluimus, nec cretiora nostrae Religionis Mytheria in notitiam Infidelium venirent, a quibus contempti, & ludibrio haberentur. Hinc arcana mytheria absque scripto ab Apostolo tradita S. Basilii Libro De Spiritu Sancto, cap. 27. testatur, quia probe noverant Arcanorum venerabilium silentio conservari. Nam quae nec intrari fas est non initiatis, quomodo conveniebatur horum doctrinam publice scripto circumferri? Mox ubi praemisit, aditum ad Sancta Sanctorum Pontifici apud Hebraeos semel in anno permissum, ad majorem venerationem illis conciliandam, quia res ultra traxit facile in contemptum veniunt; quae vero rari sunt, in admiratione, ac pretio esse solent: Ad eundem profecto modum (inquit) & qui in primordio Ecclesiae certi Ritus praescriptos Apostoli, & Patres, in occulto silantibus Mytheria suum servare dignitatem. Neque enim omnino Mytheria est, quae ad unguis aures affertur. Haec est ratio, cur quaedam circa scriptum tradita sunt, ne dogmatum cognitio contra assuetudinem vulgo veniret in contemptum. Idem confirmat S. Ambrosius Lib. de his, qui Mytheria initiantur, cap. ult. dicens: Signatum debere manere Mytheria, & ne violenter spiritus mala vita, atque adulterio captivitas, & ne divulgetur, quibus non convenit, ne generalis loquacitas dispergat in perfidos. Bona debet ergo fidei tua esse custodias: ut innoterata vita, ac silentio integritas perseveret. Et infra: Quare panem, & vinum dixerim, fideles intelligunt. Hinc illud apud S. Augustinum, cum de Eucharistia in Homiliis loquitur, Notant Fideles. Hinc Innoc. I. in Epistola ad Decentium de forma Confirmationis loquens: Verba (inquit) dicere non possum, ne magis credere videat, quam ad consultationem responderet. Et de Sacramento Extremae Unionis ibidem agens: Reliqua vero, quae scribi fas non erat, eum adfuerit, interrogati poterimus edicere.

Formam porro Sacramentorum, seu verbi, quibus conficiuntur, determinata esse debere probat S. Thomas, quia principium determinationis est forma: adeoque, cum determinata esse debeat Sacramentorum materia, scilicet res sensibilis; multo magis determinatum esse oportet formam verborum sollemniam, quibus Sacramenta perficiuntur.

PROPOSITIO II.

Materiae, & formae quaedam Sacramentorum a Christo in genere tantum determinatae; eorum vero determinationem in specie, Apostolorum, & Ecclesiae auctoritas; ac prudentia commissam, probabilis est plurimorum Theologorum opinio.

Ita censet Petrus Cantor Parisiensis in Summa de Sacramentis, Alex. Halensis 4. part. Summae, S. Bonaventurae, & forma Sacramentorum in 4. Sententiarum, & Recentioribus Card. Bellar. Lib. De Ordine, & Extrema-Unionione, cap. 9. Petrus Arcudius agens de modo conciliandi Ecclesiae Graecorum in Sacris Ordinationibus cum Ritu Ecclesiae Latinae, Lib. 6. cap. 4. Hallerius Lib. De Sacris Ordinationibus ubi de materia, & forma Ordinis agit, sect. 2. cap. 2. art. 1. S. 21. Phisilip.

De materia, & forma Sacramentorum.

De materia, & forma Sacramentorum.

De materia, & forma Sacramentorum.

ipsum Gamathas, Tract. De Sacramento Ordinis, c. 4. Cardinalis De Lugo disp. 3. De Sacramentis, sect. 5. n. 85. Joannes Morinus Lib. 8. De Administratione Sacramenti Penitentiae, c. 17. In qua etiam opinio fuit Innoc. IV. in Cap. Trebiter, De Sacramentis non iterandis. Hanc plerique Theologi Parisenses doctissimi tuerentur, quod alias Ordinationes faceret Graecorum cum Latinarum Ordinationibus conciliare visibile ipsa videretur, cum nec Instrumentorum Traditio, nec hujusmodi traditioni respondentem verborum formulam a Graecis usurperent, quorum tamen Ordinationes Romana recipit Ecclesia. Immo nec Ritu antiquum Ecclesiae Latinae cum hodierno conciliare facile putant, nisi hoc principium statuant, siquidem in Diaconorum, & Presbyterorum Ordinationibus, hujusmodi instrumentorum, & formarum, seu verborum sollemniam, quae nunc pronuntiantur solent, cum Ordinandis traduntur, antiqua Sacramentaria, & Rituales Latinarum Libri nullatenus meminerint, ut probat Morinus p. 3. De Sacris Ordinationibus, Exeritatione 7. c. 3. & Exeritatione 9. c. 1. Consentit quoque laudati Theologi, ut institutum esse a Christo Sacramentum Ordinis, ut Ministerium consecratio fieret aliquibus verbis, & symbolis exterioribus, quibus fides significaretur ministerium ad quod ordinabantur; ut autem potius haec quam illa symbola adhiberentur, in Ecclesiae arbitrio reliquisset. Unde Concilium Tridentinum sess. 23. cap. 3. docet, Sacram Ordinationem verbi, & signis exterioribus perfici: Non autem definit, quanam sint verba, & signa; quod nimirum in genere duntaxat a Christo instituta sint, ab Ecclesia autem in specie determinata. In Sacramento Matrimonii idem perspicuum, & exploratum esse adest. A Christo quippe institutum esse contractum legitimum pro materia istius Sacramenti; sed quia contractum legitimum ratio pendet a Legibus Principum, & moribus regionum, Ecclesiae potestati, & arbitrio reliquit determinationem conditionum legitimi contractus, quibus potius ad Sacramenti dignitatem elevaretur. Sic Matrimonium clandestinum ante Concilium Tridentinum rata, est illicita, ejusdem Sacri Concilii auctoritate, & Decreto irrita deinceps declarata fuit.

PROPOSITIO III.

Verba, quibus Sacramenta conficiuntur, consecratoria sunt, non concionatoria.

Propositio Catholica contra Calvinum errorem probatur ex quatuor Baptismo, qui verba concionis percipere non possunt. Secundo ex Ecclesiae doctrina, quae semper Baptismus probat a quocumque verbis Evangelicis, id est, in nomine Patris, & Filii, & Spiritus Sancti collatum, quamvis nulla concio haberetur. Tertio ex Haereticorum baptismis, quem ratum esse definit Ecclesia avertis Donatistas, quamvis Haeretici illud conferentes veram fidem, & doctrinam, adeoque veram perfectionem non habent. Quarto, quia aliud esse concionandi, aliud baptizandi ministerium Apostolus declarat 1. Corinth. 1. Non enim (inquit) nisi me Christus baptizaverit, sed evangelizare: Quinto, idem Apostolus, ad Cor. 10. 16. Eucharistiam vocat Calicem benedictionis, non Calicem concionis: quia mystici verbi Christi Sanguis consecratur: Calix benedictionis, cui benedictio, non communicatio Sanguinis Christi est: Sexto verba sollemnia, quibus perficitur Baptismus, esse consecratoria, Patres antiqui diserte docent. Unus fit instar omnium S. Augustinus, cuius auctoritate Calvinus abutitur. Hic scilicet Lib. 3. De Baptismo contra Donatistas, cap. 14. de Cerechumone loquens, qui in aliquibus Haereticis librum incidit, & a veritate discernere nesciens errorem, aliquid contra Catholicam fidem reddidit, & in ea facilitate fidei baptizatus fuerit, denovo baptizandum esse negat: Quia illa sanctissima Sacramenti verba Evangelicis consecrata super eum integra permanerant, sicut cum traditam accepit, quamvis ipse carnalis mentis vanitate constitutus, aliud cum baptizaretur crederet, quam credere debuisset. Quapropter manifestum est fieri posse, ut fide non integra integritatem in quoquam moment Baptismi Sacramentum. Et cap. 15. Quamobrem si Evangelicis verbis, in nomine Patris, & Filii, & Spiritus Sancti, Marcum Baptismum consecraret, integrum erat Sacramentum; quamvis eius fides aliud opinaretur, quam Catholicis Verbis docet, non esse integra, sed fabulosi satisfactibus inquinata. Et Lib. 6. cap. 25. Florumque praecipue vitium superat praecantis affectus: Quae certa illa evangelica verba, sine quibus non potest Baptismus consecrari, tantum valent, ut per illa sic evocentur quocumque in prece vitiosa carnis Regularum fidei dicuntur, quemadmodum dominum Christi nomine excludunt... Dicitur adesse verbi evangelici, sui, sine quibus Baptismus Christi consecrari non potest: & ipse sanctissimus Sacramentum suum, sine potest quantumque ad se veraciter converso lapsurum valent ad salutem, quod ad perniciem, nisi converteretur, valeret. Ceterum quis nesciat non esse Baptismus Christi,

Error Calvinus testatur.

Verba Sacramentorum consecratoria.

Verba Evangelicis consecratur Baptismus.

Verba Sacramentorum consecratoria.

si verba evangelica quibus symbolum constat, illis defuerint: Sed facilius invenitur Haereticus, qui omnino non baptizent, quam qui non illis verbis baptizent. Ideoque dicimus, non omnem Baptismum (nam in multis Idololatriae sacilegis factis baptizari homines perhibetur) sed Baptismum Christi, id est, verbis Evangelicis consecratum, ubique eundem esse, nec hominum quorumlibet qualibet pervertitate violari.

Obiicit S. Augustinus testimonium Tractatu 80. in Joannem, dicens: Unde ista tanta virtus aquae, ut corpus tangat, & cor abluat, nisi faciente verbo: non quia dicitur, sed quia creditur; eoque referentis illud Apostoli ad Romanos 10. 8. Haec est verbum fidei quod praedicamus.

Respond. Verbum operari in Sacramentis ad mentem S. Augustini, Non quia dicitur, id est, non secundum exteriorem sonum vocis; sed quia creditur; id est, secundum sensum verborum, qui fide tenetur. Unde ibidem addit: Nam & in ipso verbo aliud est sonus transiens, aliud virtus manens. Licet porro laudat illud Apostoli, Hec est verbum fidei, quod praedicamus, non propterea verba, & quibus perficitur Baptismus, concionatoria esse vult, sed consecratoria. Quia probandum sibi sumit, esse omnia, quae spiritualiter mandantur, munderi verbo vel extra Sacramentum per fidem praedicationis; vel etiam in Sacramentis per verborum sacramentalium, quae loco formae adhibentur, efficaciam. Quae quidem vis verbis non convenit ratione soni transiens, sive prolatis sensibilibus, sed ratione fidei spiritualis, propter quem instituta sunt, & quae fidei obiectum est. Mens S. Augustini ex totius loci ferie liquidus patet. Explicat illud Christi Oraculum, Joan. 15. 3. Jam vos mundi estis propter verbum, quod locutus sum vobis: Quod sic illustrat: Quare non ait: Mundi estis, propter Baptismum, quo loci estis, sed ait: Propter verbum, quod locutus sum vobis; Nisi quis & in aqua verbum mandet? Deinde verbum, & quid est aqua, nisi aqua? Accedit verbum ad elementum, & sic Sacramentum, etiam ipsum tanquam visibile verbum. Nam & hoc utique dixerat, quod de pedes Discipulis lavit, Qui lotus est, non aqua indiget, nisi ut pedes lavet, sed est mundus totus. De illa tanta virtus aquae, ut corpus tangat, & cor abluat, nisi faciente verbo: non quia dicitur, sed quia creditur; Nam & in ipso verbo aliud est sonus transiens, aliud virtus manens. Hoc est verbum fidei, quod praedicamus, ait Apostolus: quia si confessus fueris in ore tuo, quia Dominus est Jesus, & credideris in corde tuo, quia Deus illum suscitavit a mortuis, salvus eris. Corde enim creditur ad justitiam, ore autem confessio, fit ad salutem. Unde in Actibus Apostolorum legitur: Fide mundans corda eorum: Et in Epistola sua B. Petrus, sic & vos, inquit, salvos fecit Baptisma, non carnis depositio sordium, sed conscientiae bona interrogatio. Hoc est verbum fidei, quod praedicamus: quod sine ambio, ut mundare possit, Consecratur & Baptismus. Christus quippe nobiscum vitis, cum Patre agnoscit, dilexit Ecclesiam, & seipsum tradidit pro ea. Lega Apostolus: & vide, quid adjuvat: Ut cum sanctificaret, inquit, mundans eum lavit aqua in verbo. Mundatio igitur nequaquam fluxu, & talis tribuatur alimentum, nisi adhaeret, in verbo. Hoc verbum fidei tantum valet in Ecclesia Dei, ut per ipsum credentem, offerentem, benedictorem, ringentem, etiam tantillum mundum infansem: quamvis nondum valentem cordi credere ad justitiam, & ore confiteri ad salutem. Totum hoc fit per verbum, de quo Dominus ait: Jam vos mundi estis, propter quod locutus sum vobis.

Verba Sacramentorum consecratoria.

Verba Evangelicis consecratur Baptismus.

Verba Sacramentorum consecratoria.

Verba Evangelicis consecratur Baptismus.

Verba Sacramentorum consecratoria.

Verba Evangelicis consecratur Baptismus.

Verba Sacramentorum consecratoria.

Verba Evangelicis consecratur Baptismus.

PROPOSITIO IV.

Mutatio substantialis materiae, aut forma Sacramentalis tollit veritatem Sacramenti, ipsaque irritum reddit.

REGULAE PRAXIMSPECTANTES.

REGULA PRIMA.

Mutatio substantialis materiae fit, cum alterius speciei res sensibilis ad conficiendum Sacramentum adhibetur, quam a Christo praescripta fit: ut si aqua artificialis, aliusve liquor ad Baptismum; acrum, aut liquor ex uvis non maturis expressus, & panis hordeaceus, aut farinae massa non cocta ad Eucharistiam conficiendam usurperetur. Mutatio accidentalis materiae est alteratio, quae species elementi sensibilis a Christo praescripti non solvit, ut si sal, vel cinis in aquam iniiciatur, vel fermentum immisceatur farinae ex qua conficitur panis. Unde Baptismus in aqua maris, in lixivio, in aquis mineralibus collatus, validus est. Valida etiam panis fermentati consecratio.

REGULA II.

Mutatio substantialis formae est ea, quae verborum sensus tollit. Talis erat mutatio, quam invenerat prologo quaedam Valentianorum Haereticorum, baptizans formae Sacramenti.

Haereticorum obiectio ex S. Aug. petita respondetur.

Verba Sacramentorum consecratoria.

Haereticorum obiectio ex S. Aug. petita respondetur.

Haereticorum obiectio ex S. Aug. petita respondetur.

Haereticorum obiectio ex S. Aug. petita respondetur.

Haereticorum obiectio ex S. Aug. petita respondetur.

Haereticorum obiectio ex S. Aug. petita respondetur.

Haereticorum obiectio ex S. Aug. petita respondetur.

Haereticorum obiectio ex S. Aug. petita respondetur.

Haereticorum obiectio ex S. Aug. petita respondetur.



